



PERDANA
LEADERSHIP
FOUNDATION
Y A Y A S A N
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	UTUSAN MALAYSIA
Date	11 DECEMBER 2016

Mahathir cuba menakutkan rakyat

UM - 11/12/2016

**SHAH ALAM
10 Dis. -**

Dakwaan Tun
Dr. Mahathir
Mohamad
kononnya
700,000 orang
warga asing
akan diberi
kerakyatan



untuk menjadi pengundi
adalah strategi untuk
memburuk-burukkan
kerajaan yang dipimpin
Perdana Menteri, Datuk Seri
Najib Tun Razak selain cuba
menakut-nakutkan rakyat.

Ahli Majlis Tertinggi
UMNO, Datuk Sohaimi
Shahadan (**gambar**) berkata,
kini Dr. Mahathir semakin
terdesak sehingga sanggup
melontarkan tuduhan tanpa
berasaskan fakta.

“Kalau kita menggunakan
logik akal, 700,000 bukan
angka yang kecil. Bukan
mudah untuk buat kerja ini
seperti yang didakwa bekas
Perdana Menteri itu, lagi
pun di mana mahu letakkan
700,000 warga asing
ini,” katanya dalam satu
kenyataan di sini hari ini.

Dakwaan Dr. Mahathir
itu dibuat dalam satu siri
ceramah anjuran Parti
Pribumi Bersatu Malaysia
(PPBM) di Pasir Gudang,
Johor baru-baru ini.

Susulan dakwaan itu,
Menteri Besar Johor, Datuk
Seri Mohamed Khaled
Nordin tampil membidas
dan menyifatkan kenyataan
itu tidak berasas, tidak
bertanggungjawab dan
berniat jahat untuk
mengelirukan serta
menakut-nakutkan rakyat.

Sohaimi berkata, adalah
sangat mengecewakan
apabila seorang bekas
Perdana Menteri bercakap
mengikut perasaan marah
dan dendam dengan
memanipulasi angka bagi
menakutkan rakyat dan
tidak berpegang kepada
fakta.